

ქალაქ ქუთაისის მუნიციპალიტეტის საკრებულოს წევრის, ეკონომიკის, ქონების მართვის და საქალაქო მეურნეობის კომისიის თავმჯდომარის, უქიმერიონისა და გუმათის ადმინისტრაციული ერთეულების მაჟორიტარი დეპუტატის, ამირან კოპალეიშვილის ანგარიში, 2024 წლის განმავლობაში გაწეული სამუშაოს შესახებ

„მოგესალმებით, გახლავართ ამირან კოპალეიშვილი, უქიმერიონისა და გუმათის ადმინისტრაციული ერთეულების მაჟორიტარი დეპუტატი, ქალაქ ქუთაისის მუნიციპალიტეტის საკრებულოს ეკონომიკის, ქონების მართვისა და საქალაქო მეურნეობის კომისიის თავმჯდომარე, ამავე საკრებულოს საფინანსო-საბიუჯეტო კომისიისა და ფრაქცია „ქართული ოცნების“ წევრი. როგორც საკრებულოს მაჟორიტარი წევრი, ჩემი ვალდებულებაა წელიწადში ერთხელ მოსახლეობას წარვუდგინო ანგარიში გაწეული საქმიანობის შესახებ, ჩემს ანგარიშს დავეყოფდი ორ ნაწილად: პირველი, როგორც მაჟორიტარის და მეორე-როგორც საკრებულოს წევრისა და ეკონომიკის, ქონების მართვისა და საქალაქო მეურნეობის კომისიის თავმჯდომარის. წარმოგიდგენთ იმ ინფრასტრუქტურულ პროექტებს, რაც 2024 წლის განმავლობაში განხორციელდა, დავიწყებ მრავალბინიანი კორპუსების ფასადების რეაბილიტაციით, უქიმერიონის სამაჟორიტარო ოლქში რეაბილიტირდა შემდეგი კორპუსების ფასადები:

- ჯავახიშვილის ქუჩა N1 და N2(თანხა 780 000)
- რუსთაველის გამზირი N27 (თანხა 247 000)
- რუსთაველის გამზირი N24 (330 000)
- რუსთაველის გამზირი N108 და 116-118 (თანხა 347 000)
- რუსთაველის გამზირი N95-97-99 (მიმდინარეა და თანხა 870 000)

ჯამი: 2 574 000 ლარი.

აქვე ავღნიშნავ, რომ იგეგმება გუმათის ადმინისტრაციულ ერთეულში მინიმუმ 4 კორპუსის ფასადის, ასევე ალ.ყაზბეგის ქუჩა N14-სა და ვაჟა-ფშაველას ქუჩა N11ა-ში არსებული ფასადების რეაბილიტაცია.

უქიმერიონის ოლქში მოხდა საყრდენი კედლების რეაბილიტაცია:

- ჭონქაძის ქუჩა N1, N3, N3ა (260 000 ლარი);
- ლესელიძის I ჩიხი N10;
- ასლანიკაშვილის ქუჩა N44
- ასლანიკაშვილის ქუჩა N13

სულ:154 000

- კიკვიძის ქუჩა N9;
  - პეტრიწის ქუჩა N21
- სულ:165 000
- პეტრიწის ქუჩა N14- ში (98 000 ლარი);
  - გორკის ქუჩა N18 (61 000 ლარი);

ჯამი : 738 000 ლარი.

საყრდენი კედლების აღდგენას და მოწყობას ვგეგმავთ შემდეგ მისამართზე:

- პეტრიწის ქუჩის II ჩიხი N9-N12.(372 000)

განხორციელდა შემდეგი გზების რეაბილიტაცია:

- ავალიანის ქუჩა (628 000)
- ჩანჩიბაძისა და ქეთევან წამებულის ქუჩების დამაკავშირებელი (72 000)
- გოჭოურას სასაფლაოსთან მისასვლელი გზა (104 000)
- ონის ქუჩა (125 000)
- ჯომარდობასთან მისასვლელი გზა (287 000)
- პეტრიწის ქუჩის II შესახვევი (1 764 000)
- გაფრინდაშვილის ქუჩის II ჩიხი (401 000)(გზა+საყრდენი კედელი)
- ვაჟა-ფშაველას ქუჩა N2დან 14-ის ჩათვლით (169 000)
- შავგულიძის ქუჩა (338 000)
- ბესიკის I შესახვევი (გზა +ღვარსადენი) (102 000)
- დავითი და კონსტანტინეს I შესახვევი (გზა+კედელი) (მიმდინარე 114 000)
- ანტონ კათალიკოსის ქუჩის ღვარსადენი (96 000)

ჯამი: 4 200 000

ასევე მოწონებულია და იგეგმება შემდეგი გზების რეაბილიტაცია:

- სხირტლადის ქუჩა (300 000)
- ბერაძის ქუჩა (323 000)
- ჭანტურიას ქუჩა (332 000)
- ასლანიკაშვილის ქუჩა N70-ისა და ჩანჩიბაძის ქუჩის კვეთა (83 000)

ლესელიძის ქუჩაზე, 26-ე სკოლის ეზოში რეაბილიტირდა სტადიონი და მოეწყო ტრენაჟორები (140 000 ლარი)

საბინაო ინფრასტრუქტურის კუთხით განხორციელებული პროგრამის ფარგლებში, ბინათმესაკუთრეთა ამხანაგობებზე, 6 მისამართზე გაიცა:

- 2835 მ<sup>2</sup>-ბიკროსტი
- 260 მ<sup>2</sup>-გოფირებული
- 307მ<sup>2</sup>-ფურცლოვანი თუნუქი

როგორც მოგეხსენებათ, მიმდინარე წელს ქალაქში ძლიერი ქარების შედეგად ბევრ მისამართზე დაზიანდა საცხოვრებელი სახლები. სტიქიის შედეგად დაზარალებულ ოჯახებზე, 9 მისამართზე გაიცა:

- 390 მ<sup>2</sup>-ბიკროსტი
- 746 მ<sup>2</sup>-გოფირებული
- 115მ<sup>2</sup>-ფურცლოვანი თუნუქი

შევეხები სოციალურ თემას, როგორც იცით აღნიშნულთან დაკავშირებით საკმაოდ დიდი თანხა იხარჯება ჩვენი ბიუჯეტიდან, სამწუხაროდ ქალაქში ჯერ კიდევ არ გვაქვს სახარბიელო სოციალური ფონი, ამიტომ მომართვიანობა ხშირია, როგორც ჩემთან, მაჟორიტარის რანგში, ასევე ქალაქის ხელისუფლებასთან. მომართვიანობა ძირითადად ეხება რამდენიმე მიმართულებას, პირველი-ერთჯერადი მატერიალური დახმარება (წელს 60 მოქალაქეს გაეწია შუამდგომლობა და ჯამში გაცემულ იქნა 14 650 ლარი), მეორე-გადაუდებელი რეაგირების პროგრამა (უქიმერიონის სამაჟორიტარო ოლქში დახმარება გაეწია 50 მოქალაქეს და ჯამში გაცემულ იქნა-52 000 ლარი), მესამე-სამედიცინო დახმარების პროგრამის ფარგლებში 1 381 00 ლარია გამოყოფილი და ჯამში 3500-მა მოქალაქემ ისარგებლა, რომელთაგან უქიმერიონში მაცხოვრებელია 198 მოქალაქე, მეოთხე-მედიკამენტებით უზრუნველყოფის პროგრამის ბიუჯეტი შეადგენს 189 000 ლარს, რითაც 1387 მოქალაქემ ისარგებლა და მათგან უქიმერიონში მაცხოვრებელია 101.

მაჟორიტართან ერთად გახლავართ ქალაქ ქუთაისის მუნიციპალიტეტის საკრებულოს ეკონომიკის, ქონების მართვისა და საქალაქო მეურნეობის კომისიის თავმჯდომარე. საანგარიშო პერიოდში აღნიშნულმა კომისიამ ჩაატარა 20 სხდომა, განხილულია 108 საკითხი, ყველა საკითხზე შემუშავებულ იქნა დასკვნები და მიღებულ იქნა გადაწყვეტილებები, საკითხებს შორის არის რგფ-თან მოსაწონებლად გადასაგზავნი წინადადებების ნუსხა. აღნიშნული საკითხი განსაკუთრებულ ინტერესს წარმოადგენს ჩემთვის, რადგან ამ დოკუმენტით ხდება მომავალი წლის ინფრასტრუქტურული ღონისძიებების დაგეგმვა, გარდა ამისა, მერია საკუთარი სახსრებითაც ახორციელებს სხვადასხვა ინფრასტრუქტურულ სამუშაოებს, რომელიც ასევე შედის ჩვენი კომისიის კომპეტენციაში, ასევე თებერვლის თვეში კომისიამ მონაწილეობა მიიღო კანონით გათვალისწინებული უმნიშვნელოვანესი დოკუმენტის, ქალაქ ქუთაისის მუნიციპალიტეტის ტერიტორიაზე ზონების საზღვრების აღწერის, ტერიტორიულ ზონებსა და ქვეზონებში მოქცეული არასასოფლო-სამეურნეო დანიშნულების მიწის ნაკვეთების საწყისი საპრივატიზებო საფასურის განსაზღვრის შესახებ, ქალაქ ქუთაისის მუნიციპალიტეტის საკრებულოს დადგენილების მიღებაში. ასევე მნიშვნელოვანი გადაწყვეტილებები მივიღეთ ქუთაისის მუნიციპალიტეტის ქონების საპრივატიზაციო და სარგებლობაში გასაცემი ობიექტების ნუსხასთან დაკავშირებით, საანგარიშო პერიოდის განმავლობაში განკარგულებაში განხორციელდა 7 ცვლილება და ნუსხას დაემატა 39 ობიექტი, რომელთა პრივატიზაციის შემთხვევაში ქალაქ ქუთაისის მუნიციპალიტეტის ბიუჯეტში მოხდება დამატებითი თანხების აკუმულირება.

ქალაქ ქუთაისის მუნიციპალიტეტის საკრებულოს ეკონომიკის, ქონების მართვისა და საქალაქო მეურნეობის კომისიის ძირითად საქმიანობას დებულების თანახმად წარმოადგენს თავისი კომპეტენციის ფარგლებში, მერიის შესაბამისი სამსახურების, არასამეწარმეო (არაკომერციული) იურიდიული თუ სხვა ანგარიშვალდებული პირების, როგორებიცაა ეკონომიკური განვითარების, ადგილობრივი თვითმმართველობის ქონებისა და ტრანსპორტის მართვის სამსახური, მუნიციპალური და საბინაო ინფრასტრუქტურის განვითარების სამსახური, ა(ა)იპ „სპეციალური სერვისები“, ა(ა)იპ „ქუთაანათების სერვისი“ შპს „პარკინგსერვისი“, შპს „საპრანსპორტო კომპანია“ და სხვ., ანგარიშების მოსმენა გაწეული საქმიანობის შესახებ და მონიტორინგი მათ მიერ გატარებულ ღონისძიებებზე. აქვე მინდა, განსაკუთრებით ავღნიშნო ჩვენი კომისიის მიერ შეტანილი წვლილი ინფრასტრუქტურის

მოწესრიგების კუთხით, კერძოდ, ჩვენი კომისიის სხდომებზე, აღმასრულებელ ხელისუფლებასთან კომუნიკაციის მეშვეობით ხდება შეჯერება განსახორციელებელ პროექტებზე და დგება პრიორიტეტების დოკუმენტი, რომელიც ეგზავნება ინფრასტრუქტურის სამინისტროს, დაფინანსების მოსაპოვებლად.

მინდა დიდი მადლობა გადავუხადო ქალაქის მერის მოვალეობის შემსრულებელს დავით ერემეიშვილს და კურატორ ვიცე მერს იუზა უგულავას თანამშრომლობისათვის.

მინდა მადლობა გადავუხადო, ეკონომიკის, ქონების მართვისა და საქალაქო მეურნეობის კომისიის ყველა წევრს აქტიური თანამშრომლობისათვის, როგორც უმრავლესობას, ისე ოპოზიციური კვოტით წარმოდგენილ წევრებს, რადგან კომისიის არცერთი სხდომა არ ჩაშლილა ქვორუმის არარსებობის გამო.

დამატებით გაცნობებთ, რომ გახლავართ საკრებულოს საფინანსო-საბიუჯეტო კომისიის წევრი, რომელსაც ბატონი ბაქარ მახარაძე თავმჯდომარეობს, აღნიშნული კომისიის საქმიანობაში აქტიურად ვიღებ მონაწილეობას, საანგარიშო პერიოდში გაიმართა 10 სხდომა, (ვესწრებოდი 9 მათგანს) განხილული იქნა ბიუჯეტში შესატანი ცვლილებები, ასევე მოვისმინეთ სხვადასხვა სამსახურების ანგარიშები.

როგორც იცით, მუნიციპალური განვითარების ფონდი სერიოზულ სამუშაოებს აწარმოებს ქალაქში, კერძოდ, უპრეცედენტო თანხა იხარჯება ვარლამიშვილის, წმინდა ნინოს და ლერმონტოვის ქუჩების გზის, ფასადისა და სკვერის მოწყობის საქმეში, ასევე მომავალ წელს ცენტრალური ხელისუფლებიდან ველოდებით თანხების მობილიზებას, რომლითაც იგეგმება ქალაქში მასშტაბური ინფრასტრუქტურული პროექტების განხორციელება და ასევე სპეც. ტექნიკის შეძენა. დამატებითი ტექნიკის შეძენა მნიშვნელოვან შედეგს მოგვცემს ქალაქის დასუფთავების კუთხით და დღეს არსებულ პრობლემებს მაქსიმალურად აღმოფხვრის. ეს ყოველივე გვაძლევს საშუალებას პირობა მოგვცეთ, რომ 2025 წლის ბოლოს ჩვენი ქალაქი იქნება უფრო კეთილმოწყობილი და მოწესრიგებული.

ბოლოს მინდა მადლობა გადაგიხადოთ თქვენ, ჩვენს ამომრჩევლებს, რომლებიც გვენდეთ და მოგვეცით საშუალება მონაწილეობა მიგვეღო ჩვენი ქალაქის მშენებლობაში. ვთვლი, რომ ჩვენც ჩვენის მხრივ მაქსიმუმს ვაკეთებთ იმ მოცემულობიდან გამომდინარე, რაც დღეს გვაქვს.

ქალაქ ქუთაისის მუნიციპალიტეტის წევრი

ქალაქ ქუთაისის მუნიციპალიტეტის საკრებულოს  
ეკონომიკის, ქონების მართვისა და საქალაქო  
მეურნეობის კომისიის თავმჯდომარე

უქიმერიონისა და გუმათის ადმინისტრაციული  
ერთეულების მაჟორიტარი დეპუტატი

ამირან კოპალეიშვილი

